



UNIVERSITÄTS-
BIBLIOTHEK
PADERBORN

Collegium Universi Juris Canonici

Engel, Ludwig
Salisburgi, 1693

28. De Clerico non ordinato ministrante.

[urn:nbn:de:hbz:466:1-61596](https://nbn-resolving.org/urn:nbn:de:hbz:466:1-61596)

etiam per Laicos exerceri, ut si baptizet non solemniter in casu necessitatis, (quo sensu explicandum est *c. 1. de Cleric. non ord. min.*) si in privata Missa ad Altare deserviat. &c. Actus quoque, qui non sunt tam Ordinis, quam jurisdictionis irregularitatem haud inducunt, veluti si Episcopus censuratus iudicium aut censuras ferat, diocesim visitet, beneficia conferat; si Parochus Matrimonio assistat (absque tamen solenni benedictione) vel alteri licentiam ad assistendum concedat.

3. Præterea etiam celebrationem ob gravem meritum infamæ vel scandali, alteriusve mali (cum modo metus in contemptum Censurarum & Ecclesiæ non fuerit incussus) ab irregularitate excusant DD. Item si in casu necessitatis deficiente alio Sacerdote moribundis Sacramenta ministrantur, non enim videtur prohibitio & poena Ecclesiastica ad hos casus extraordinarios. Demum etiam irregularitatem evitat, qui bonâ fide ex ignorantia Censurâ ministravit: vel qui ex conscientia erronea credidit se censuratum, cum reverâ non fuerit. Dubitans verò debet laborare de inquirenda veritate, & si post diligentiam adhibitam adhuc incertus remanserit, potest deposito dubio practico ministrare. Pluribus de hac Materia agemus in hoc Lib. in tit. de Sentent. excom. Interim vid. Zouius *h. t.* Suarez. *Tom. 5. de Censurâ disp. 40.* & alii passim de censuris scribentes.

TITULUS XXVIII

De Clerico non ordinato Ministrante.

SUMMARI.

1. Non ordinatus ministrum quando fiat irregularis.
2. Hodie traditur Curia seculari potestati.

3. Potestas Ordinis an suppletur ob contumaciam errorem.

Siquis Clericus officium superioris Ordinis, quem nondum accepit, exercerit, v. g. Subdiaconus uti Diaconus, vel uti Presbyter divina Ministeria & Sacramenta peregerit, efficitur irregularis, quod in *ptos* autem arbitrio Episcopi suspendatur & punitur. *c. 2. h. t.* Quod si Laicus irregularitatem Clericum id fecerit, non tamen censurari debet, per textum generalem in *ibi: ab Ecclesia abijctur, & non potest ordinari*, licet Suarez docet *ibidem*.

4. & 5. Hodie ex constitutione Clem. VIII. incipit: *Etsi*. & refertur a *Quar. no. Bull. V. Ordo. in fine.* & a *Baro. in d. l. n. 7. & cap. 2. n. 2.* qui Missam celebrans aut Confessiones audire nondum ordinatus Presbyter ausus fuerit, jubetur per se, vel locorum Ordinarios concipere Ecclesiæ misericordiae indignus & foro Ecclesiastico abijci, & ab Ordinibus Ecclesiasticis si quos habet, ritè degradari, ac a Jure sacularibus pro merito puniri. Sed hoc peccatum & sacrilegium gravissimum divinis Sacramentis illudatur, & ab his per falsitatem purus panis cum vino per non Sacerdotem consecrari non potest pro Corpore & Sanguine Christi adhiberi proponitur: idem dum fideles tali peccata sua periculose aperiant, nec ad peccatum ob defectum clavium & jurisdictionis absolutionem obtinere. Quid autem defectum potestatis in administratione Sacramentorum communis error suppletur, videatur latè disputans Sanchez. *de Jure lib. 3. disp. 23.* ubi *n. 27.* docet, si potestatis vel jurisdictionis ex iure Divini aut naturali requiratur, non suppletur

communem errorem: quia auctoritas Ecclesiastica, & generaliter humana tantum supplet defectus requisitorum ex jure humano dependentium, qualia requisita statuere aut tollere in ipso est potestate. arg. text. in l. Barbarius. 3. ff. de Officio prae. ibi: verum puto nihil eorum reprobari, cum populus Romanus etiam seruo potuisset decernere hanc potestatem. secus ergo, ubi non potuisset decernere, ut circa defectum juris naturalis aut divini. Vid. etiam dicta superius de Presby. non baptiz. n. 3. & 4.

TITULUS XXIX.

De Clerico per saltum promotio.

Per saltum promotus dicitur, qui omisso Ordine medio ad superiorem ascendit, v. g. qui omisso Diaconatu ordinatus est Presbyter.

Quamvis autem aliqui existiment, taliter promotum esse absolute irregularem, magis tamen inter DD. convenit, esse tantum ipso jure suspensum, & quidem solummodo quoad illum Ordinem per saltum susceptum, & irregularem tunc primum, si in hoc Ordine suscepto, vel in illo, quem suscipere omisit. ministraverit, sicut tradit Barbosa in Collect. DD. ad c. unic. hoc tit.

Præterea hodie ex Concilio Trid. sess. 23. de Reform. c. 14. in fine. concessum est Episcopis, ut cum promotis per saltum dispensare possint, nisi, ut præmissum ministraverint, adeoque insuper irregulares facti sint, quo casu Episcopi non aliter dispensare poterunt, quam si delictum suscepta per saltum Ordinationis occultum fuerit, juxta Trident. sess. 24. de Refor. c. 6.

TITULUS XXX.

De Eo, qui Ordinem furtive suscepit.

Ordines furtive suscipere dicitur, qui absque consensu Episcopi in numerum ordinandorum se ingerit, veluti si subterfugerit examen, & nihilominus in ordinatione comparuerit, vel eadem die præter minores Ordines etiam Subdiaconatum, vel duos sacros Ordines acceperit.

Pœna hujus delicti est, quod taliter ordinatus non habeat executionem Ordinis furtive suscepti, & insuper inhabilis reddatur ad superiores Ordines suscipiendos.

Competit tamen Episcopo dispensatio in duobus casibus 1. Si furtiva Ordinum susceptio non prius fuerit ab ordinante sub excommunicatione prohibita, 2. Si ordinatus Monasterium ingrediatur, & ibi aliquamdiu laudabiliter vivat, quo posteriori casu non tantum Episcopo, sed etiam Abbati dispensare conditur. Text. & DD. communiter in c. 1. 2. & 3. h. t.

Admittitur quoque in c. 2. h. t. consuetudo, si qua sit, ut eadem die minores Ordines cum Subdiaconatu suscipiantur, idque per Concilium Trid. sess. 23. de Ref. c. 11. annale interstitium requirens non fuisse correctum, sive tali consuetudini derogatum, docent multi graves DD. cum Barb. in Collect. ad d. c. 2. h. t. n. 2. 66.

TITULUS XXXI.

De Excessibus Prælatorum & Subditorum.

SUMMARIUM.

1. Prælati prohibentur exactiones iniquæ.

000 000 3

2. Epi-